

嘯古堂詩集

嘯古堂詩集卷七

寶山蔣敦復純甫著

長洲王 韜紫詮栞

企喻歌

一斗血劍花熱一尺肝陰山寒男兒何物足破愁不斬乃有樓
蘭頭

阿那壞曲

玉帳牙旗夜有霜紅毬毬舞笑飛觴橫刀上馬不知處血繡青
袍古戰場

贈靈石內史

烏衣門地話秋風蕉萃芳蘭感遇同此日畫堂栖海燕有人推

髻嫁梁鴻入山我悔青琴老倚竹卿憐翠袖工一樣蓼莪詩廢
讀忍將哀樂譜房中

時內史父母新喪合
電後卽持服婉告

芳草天涯綠不肥筠簾紙閣絮飛飛絕憐病起拈鍼帖尙怯春
寒典嫁衣眉月碧彎愁更瘦鐙花紅語盼將歸鸞飄鳳泊尋常
事莫憶征人減帶圍

舟泊闔門再寄靈石內史

十里珠簾花氣香紅鐙緩緩出山塘高風爲有人偕隱不向青
樓問野芳

鹽米光陰問字頻臨行贈句亦清新昨宵紙閣涼如水定背秋
鐙憶遠人

附

支機

瘦綠垂楊柳絲絲又送行人間重科第夫婿最才名影寄天
邊月心隨白下城蘭舟望容與臨發若爲情

吳門懷古二首

館娃宮

粉脂香膩綺羅妍銷盡雄心遣暮年眉黛竟含亡國恨頭顱生
受美人憐蕭蕭畫屨尋秋草淼淼空波冷玉蓮城上烏棲臺下
鹿越王宮殿鷓鴣天

齊雲樓

拔山遺恨楚重瞳歌罷虞兮氣不雄一代紅顏銷劫火滿城黃
葉墜西風花間鳳閣珠鐙暗海上龍衣玉帳空貴主淒涼橋下
水肯教破鏡樂昌同

舟中望惠山

蒲帆葉葉下前汀
疏柳毵毵倚短亭
兩岸踏歌人去後
涼煙吹暝一峰青

登北固山

落日高城上鳴笳
重鎮開樓飛孤鳥
沒山挾大江來作
壻蛟龍會談兵王
霸才祇今畱狼迹
片石臥莓苔

黃天蕩弔宋韓蘄王戰處

岳家軍恨不飲黃龍
府前一杯酒
韓家軍恨不料黃天蕩
外一夕走復我二聖
還我兩河不然生縛
四太子可惜天心不
如此堂堂大鼓江中
摻纖纖手掃欃槍
欃國讐未雪兒女恥
上疏請賜世忠死江
山無恙浪花飛從此
東南半壁矣君不見
將帥中

原猿鶴哀長城自壞長腳來古來大事每鑄六州錯兩字和戎
辱莫辱他年居士太清涼此日將軍真慟哭問不必通五國城
獄不必起風波亭英雄出師盡短氣一聲老鶴橫天青

燕子磯

龍虎東南勝攔門第一磯江聲騰萬騎山勢突重圍雲起蒼蛟
吼風高白雁飛英雄人不見杯酒醉斜暉

永濟寺題撒手厓

到門不見山入門山始大一落百丈泉佛頂跳珠過凹凸玻瓈
屏巨靈鑿空作寒潮齧山根盪漾天風簸雲從天外歸欲塞窗
紙破松枝藤薛枯石骨霜棱挫縣厓何地無撒手慎勿儒去去
蘇門嘯遠嶺梵鐘和

三台洞

一峰又一峰峰腰白雲封一洞又一洞洞口白雲擁飄雲四面
飛雲去僧忽歸泠泠空籟響御之乃直上入險境欲窮出險路
復通長虹臥曲沼絕磴探深窺捫壁鬼髮青一風陰閃鐙巨蟒
恐當路跛鼈不能步蟻附而螺旋層層梯上天天梯半空架天
轉出其下俯視一綫穿日影晶光圓雞犬在人世何異桃源裏
長嘯凌翠微頽陽下巖扉洞門猿送出白雲倏已合

循岡麓西南行巖壑甚奇

巖嶂煙江畫幃開打包僧帶夕陽來穿雲亂石排空樹似我胸
中磊落才

巉巖鐵索絙危磯絕險眞須佛腳依一片秋潮山下落西風吹

破水田衣

送張小浦侍郎還朝

星輅指江左三歲辭
楓宸良材待繩削
哲匠施經綸士有登
龍者變化非窮鱗
夫子禮樂宗大雅
宏扶輪同音辨笙磬和鳴
佐韶鈞清風鈴閣來
及此陶嘉辰恭聞肆入
覲爲天子大
臣舉夔望旣重堯舜道
常陳艱難凜天步綱紀飭人倫
元氣內漸復國威外益振
風雲出指掌勳業眞天人
平生憂樂懷齋粥劇苦辛
辛苦念微才鯁生東海濱

題孫月坡秀才

麟趾繡鴛詞

芳草裙腰綠幾圍
涼雲飛盡雁來稀
冬郎老去秋孌嫁忍唱盈
盈金縷衣

舊家池館冷窗紗儘有閒愁付琵琶妙句弓衣誰織得風吹皺
水浪淘沙

我亦今生悔有情黃河樂府帶離聲與君同作銷魂客秋雨秋
風滿石城

遊棲霞山

最高峰頂立足底躡鴻濛一綫長江綠千巖夕照紅珠泉噴薄
霧劍石出陰風文字天開古茫茫禹蹟空

秦雪舫兵部

耀曾

招集五松園同人分詠金陵古蹟

謝公墩

幕府風流鎮石城夷吾原不負唐生中年絲竹公卿望半壁河
山草木兵何物清談能廢事此人高臥豈忘情一墩千載空黃

土寂莫休爭身後名

江令宅

總持遺宅枕寒潮
璫樹笙歌更寂寥
身與美人辭後主
天教狎客住南朝
江山紅粉家何在
花月青溪淚不銷
徐庾文章都健筆
可憐亡國鬢蕭蕭

贈顧秋碧

懷三

卽題其然松閣集

白下顧文學江東阮步兵
我思千載士君豈一書生
詠史須麋古論交肝膽傾
毛公今宿草舊雨獨傷情

時毛生甫下世君詢其遺孤并所著詩文

集及元史彙

偕戴滄鷗

德治

周秋史

兆魚

沈小棣

穆孫

登金山妙高臺

用東坡海字韻

平生奇想無不有便欲騎鯨跨滄海雲水何年汗漫遊江山此
地風流在前身坡老一頭陀中流砥柱回狂波文章不朽貴忠
孝盟津遺翰安足多寺門壁間驚巖飛幘我昨金陵理歸楫同
輩看山凡幾日高臺橫吹江風清石壁倒射日腳赤墻鈴孤語
盪吟魄壓岸濤頭帆影黑九點齊煙眼底青振衣長嘯蛟龍驚
欲往蓬壺路不識此中或者潛神物異書我願讀名山補天無
術石太頑江流浩浩何時已萬古蒼茫一杯水

寄懷楊梓香上舍

大澂

涼雲飛盡雁來天遲爾黃花綠酒邊浮世可能容我嬾名山何
止以詩傳曲中白雪看誰和海上青琴祇自憐臘有千秋一商
略瓣香珍重校遺編

時擬刊寶山詩存

秋闈報罷感示陸營初

文鍾

周秋史

讀書多恐負蒼生學道中年尙未成天以窮愁堅氣骨人將科
第當功名酒邊紅袖銷魂曲畫裏青山落葉聲惆悵秋風三歲
別秦淮楊柳最多情

題潘冰蟾女士

淑

牡丹畫幅

猩紅小格最清華淺著胭脂淡暈霞一例東風嫌太瘦天寒三
九玉梅花

乳碧花磁墨妙勻竹弓彈出粉痕新鷗波亭子甌香館誰似蘭
閨讀畫人

女士有蘭閨讀畫圖

何竹薌

士祁

村居讀書圖用東坡煙江疊嶂圖詩韻

錢唐江外多青山玉女曉鬟梳翠煙煙村茅屋自三兩中有讀

書聲琅然出山未肯作小草在山卻愛聽流泉泉流有聲心不
競白雲一片橫長川故園往往勞夢想梅花三百前村前先生
讀書重出處處慕淵明出樂天存此書生真面目豈與俗吏爭
嬉妍山中不種千頭橘湖上但覓二頃田閒尋野老課晴雨太
平耕鑿安堯年書堂入夜鑑明月古人顏色殊輝娟此時蒼生
待霖雨石隱未許公高眠買山錢况苦不足請誓江水同坡仙
惟有讀書之樂筮无咎君藏書甚富往往時官川沙司馬曾代校震无咎齋書目洞天福地
一一成因緣先補西京循吏傳再誦淮南招隱篇

題湯雨生都督贈汾孤笠圖

雨生與宜興周保緒進士相友善作雙笠圖保緒歿乃

爲是圖

畫君團圓之雙笠十年漚鷺盟初結東南豪傑有幾人海內周
郎此相識畫君孤笠之寥寥將軍白髮風飄蕭撫弦絕響廣陵
散對之使我朱顏彫秣陵城中萬人海如此江山寓公在一笠
長畱碧水濱一笠飛去青天外文章有道交有神俗子那復知
其真雌雄劍氣倏相遇

君著有劍人緣傳奇與余外字暗台

我亦江湖戴笠人

柳絮四首和錢澹人

錢文士韻

最難情緒憶當時飄泊華年有所思殘雪一鞭春黯黯輕絲三
月雨絲絲萍花再世長團聚蕩子前身古別離何事干卿倍惆
悵風吹皺水綠平池

馬蹏不逐少年狂青眼王孫去渺茫但有花飛同薄命更無人
惜此啼妝因風春色來天上墮地香泥委道旁攀取空條贈行

客年年別恨爲誰長

枝頭黃鳥語
縣蠻葉底青
蛾卸遠山瑤
想依依空色
外雲情疊疊
有無間舊家
池館陰如畫
別院樓臺人
未還散去餘
香歸碧落
秋來柳宿照
銀灣

玉糝征衫滾作塵
他生病果比蘭因
關河短筴聲初咽
金粉斜陽迹易陳
樹若有情花總淚
酒醒何處夢非春
風波幾度愁揚子
蘆雪空江又惱人

厥頭尋侯氏廢塚追和研德厥頭懷古詩韻

白楊鬼哭雨瀟瀟
荒壠何人禁采樵
故國衣冠塵劫冷
遺民湖海鬢毛彫
椒房空託家山破
俗呼崇禎阿嬭墳上谷婦有周氏者周皇后族也
麥飯誰澆
世代遙喬木百年無覓處
好題碑碣護前朝
余屬楊梓香立石墓前將作文

誌之

陳小魯中招同張詠仙學博肇辰齊梅谿紹裘程序伯庭

鷺王子梅鴻雷約軒葆廉張次柳凱集寄廬預祝坡公

生日詠仙作記序伯繪圖余用集中聚星堂韻時道光
二十八年十二月初九日也

酒人聚散如落葉勝事千秋印鴻雪草堂忽供玉局翁梅花一
枝氣清絕公昔南荒萬里行磨蝸身宮屢摧折一瓢富貴夢春
婆晚誦楞華了生滅竭來八百有餘歲蛇壑雙丸電光掣酌公
卮酒安足辭飲過三蕉眼生纈吾儕讀書稟微尚豈附弟子公
弗屑江湖心事歲寒盟世界浮雲太飄瞥先十日肅眾賓至孟
公好事人傳說夜來夢爲道士鶴何處筵聲叫橫鐵

歲暮雜感

移巢鳩拙冷斜陽門對寒流雪滿塘
賃廬交誰論杵臼箸書身
早慙冰霜三餅檣酒餘鹽豸一斛
煤花算鶴糧差喜閨中人慰
藉貧家風味菜根香

欲采神山五色芝琉璃樓何處寄
相思人間鑄夢黃金窟天上鐫
愁白玉碑苜蓿三花蘊馬骨琵琶
萬里妒蛾眉丹成好駐君顏
色浩蕩靈修恐未知

曾因學佛證禪鎗諸俗深慚僕
未能豈有饑鸞貪腐鼠肯教白
壁玷青蠅寒初廚下煙俱瘦清
極牀頭夢亦冰坐對玉梅花自
笑平生風骨太峻嶒

歲晚空堂百感頻江湖豈獨怨勞
薪閉門蠶粥憂天下開卷焚

香拜古人短褐名山藏竹帛清時寶劍出風塵讀書不慣兼謀食吾道猶存未是貧

寡鵠吟爲黃烈婦作

烈婦寶山邑城諸生黃

中理

繼室昏一歲黃歿烈婦爲

夫立後請于姑以身殉焉

請爲寡鵠吟慰茲烈婦心寡鵠引吭宛轉殉彼故雄烈婦仰天

長號四野肅肅生悲風

一解

邢氏小家女身事紡織未嫻內則

語嗟嗟黃氏子早孤新婦入門拜君姑荒雞喔喔中夜聲續中

夜呶呶佐讀朝來供堂上菽粟

二解

無何鵬鳥哀薤露歌破鏡

臺傷庭柯麻衣如雪肝腸摧空房索索魂歸來魂來不來事當

奈何妾心湛湛妾井波妾身作那

三解

上有蕭蕭白頭下無呱

瓜黃口新婦前致辭兒命亦不久嫁衣尙盈箱金釵昔耀首一
半奉姑壽一半立夫後阿母心悸啼而走曰汝又將棄我去耶
唯唯否否四解阿母走旁皇新婦還入房謂新婦語大癡女伴
竊竊笑東廂空帷飄風白燭無光幽幽鬼泣阿母旁趨視新婦
赫然握拳目上視匹練三尺縣屋梁五解我歌且止淚下不能
已從容就義乃出弱女子彼讀書談道者奈何臨事止欠一死
聞廉泉師歸滇宦橐蕭然感賦一絕句

宦海茫茫不可論名山歸去道還尊獨憐國士無雙譽祇有平
生未報恩

題楊梓薌東浦望槎圖

我昨經過東浦東草堂竹樹生涼風酒酣磊落重懷古乘槎使

者何時逢三大笑忽撫掌靈根鬱律今無恙一道紅牆碧落
橫千秋白頭青天望黃河之水天上來鯨魚跋浪滄溟開手捫
星宿抉雲漢英雄大抵皆仙才如君七尺負奇氣田間鬱鬱知
何意寶劍誰能贈路人浮雲不合看塵世鸞鶴空山招隱遲讀
書未許妻孥知閒尋大將屯兵壘殿頭白塔韓
斬王屯兵處卻話遺民避地
時珠芒貫月長虹起門前一片銀灣水荒忽仙靈不可招蜺旌
來往將無是我思織女機石不補天河鼓枉乞天帝錢眞靈位
業復何有散仙往往逃人間朝望槎兮不至蓬萊宮闕蔽蜃市
暮望槎兮忽去天空叫絕秋鴻語槎兮槎兮奈爾何讀君之畫
聽我歌古來才大難爲用濯足樽桑萬里波

寄懷孫東巖上舍

鍾泰

憶昨持螯日逢君舊草堂其人能蘊藉此筆更清蒼名畫好山
讀異書古墨香蘇門一長嘯揮手暮雲涼

題戴滄鷗聽竹圖用東坡界字韻

聞根不斷意識界性海華嚴流萬派靜坐忽參竹三昧入耳琅
玕皆清快老圃秋高寄沈寥虛堂夜靜鳴泐泐戴侯靜者意有
餘眠鷗夢醒滄江隘談揮玉塵坐生風詩與金剛證不壞翛然
剛健復婀娜竹亦媚君出靈怪涼碧戛玉煙痕鋪微黃篩金日
影曬但須曲裏奏青琳安用山中種赤薤好同草木長春秋不
知人世何機械我生於世師竹虛種樹書成棗駝疥一窗風月
鶴聲清四海荆榛鸞翮鍛高齋尊酒重論文此君對語酬詩債

滄鷗屬題朱雪田仿高尚書雪山畫幅用東坡游道場山

何山詩韻

白雲蓬蓬徧林麓須臾一氣走巖谷山靈好事弄狡獪繚繞千
巒意未足忽然著紙神瀰漫墨光天矯蒼螭盤當其意匠運慘
澹四山風起奔驚湍尙書派自北苑出復有雪田奪此席幽禽
欲于煙際呼奇樹竟向畫中植石螺窈窕梳翠鬢仙人碧嶂丹
厓間草堂縣之鎮高臥神觀早已飛空山山中歲月忘昏旦忽
與白雲遇天外題詩此幅證後盟塵事勞勞發深歎

重過紅蘅碧杜之館題壁而去

烏衣斜日掩朱門倚竹牽蘿事莫論春水綠波名士淚桃花紅
影女兒魂病來胡蝶拋金粉繡出鴛鴦記夢痕如此關河如此
酒天涯愁殺舊王孫

不是鸞笙卽鳳簫紅闌樓閣赤闌橋香應散雪愁無際玉未成
煙骨已銷似水流年仍小劫多時華髮況今朝早知眉黛空蕭
瑟悔把文殊著意描

綠陰四首和楊蓉裳集中韻

門巷愔愔似有情江南斜日下蕪城銷殘鬢影春先老行到天
涯草又生小樹花飛紅雨歇重簾風定綠波平垂楊垂柳都如
許怕唱陽關第四聲

秋千半架倚紅牆柔曲闌干倚畫廊好夢如煙人中酒春愁滿
地水流香落花漠漠眠琴榻蕉葉疏疏冷簾牀別院笙歌圍繡
幕冥濛曉碧一痕涼

鸞飄鳳泊感移移勸別青尊興不酣黯黯年光飛白蜨慊慊情

結病紅蠶檀心沈水金鑪燼花乳浮甌玉液甘幾日相思隔芳
樹樓臺遙指畫橋南

樊川賦恨洛川圖弦琤嘈沸滿湖名士傷春千里別美人易
嫁此心孤可憐南國生紅豆不信東風長綠蕪惆悵水嬉當日
事看花還許再來無

題毛生甫騎尉

微生

休復居集後

生甫與余通家同輩行
竟未一見其歿也乃刪

定遺
書云

先我千秋業遲君廿載生風塵不相見江海各浮名古籟絕凡
響空山遺世情茫茫青史筆此事俗流輕

君所著元史后妃公
主二傳已刊集中余

亦擬漢書體例刪訂明史
作明書餼驅故惜未有暇

漫興

讀書胸有古人來且把離騷數舉杯不耐饑寒非傲骨能全氣
節始真才天邊大漠雙盤隼雪後空山數點梅一醉摩挲腰下
鐵清時懷抱向誰開

和家定甫侍御忠雅堂集中消寒十詠

何造乎物扶輿亭毒聖智埏植以成焉而適于用或遂
廢置則甚非造物者意矣然當窮陰近寒物又貴藏于
無用以堅其體伊古志士雖否塞懷憂其胸中固自
包并靈槩弗局於承睫間也近世讀書者每有吟物輒
構形似無當比興之旨闌歲杜門時與婦飲乃爲是詩
義趣曷歸疇與喻微厥自標賞匪以示人三愾而已

寒鐘

霜天杳杳夢何之剛破枯禪入定時萬古聲隨流水去百年漏
盡此鐘知遙沈野寺雙林雪冷打梅花半夜詩城上鳥啼樓上
月豪家簫管五更吹

寒岫

畫裏層巒睡不醒芙蓉天外斂冥冥洞庭木落煙光白太華霜
高石氣青老將陰山歌敕勒佳人空谷怨飄零閒雲可是無心
出祇有梅花伴夕扃

寒樵

仙人洞裏爛柯回翁子行歌落日哀冰雪不辭豺虎窟斧斤須
赦棟梁材荒村黃葉踏無數一客青山歸去來鼓枻滄浪相問
答風波平陸亦崔嵬

寒潮

絕域休通萬里航孤城閒打朔風狂蛟龍雲雨滄江臥蜃蛤樓
臺大壑藏白馬三更馳雪練黃河十月走冰牀螺桑幾度關天
意莫遺麻姑鬢有霜

寒簷

鄉心底事戀尊鱸舉網無魚酒亦沽漁火宵微吹雪滿海天風
急釣鼉孤英雄未遇漚先狎網紀全張數莫逋濠上欲尋莊叟
樂可知畸士在菰蘆

寒帆

征途渺渺望衡湘篷背蕭蕭冷帶霜送去有人能破浪借來無
力且眠檣直衝風雪直飛將肯老江湖戀野航疲汝津梁嗟歲

暮惹他漚鷺笑斜陽

寒吠

爪牙休負不凡材搖尾狺狺亦可哀仙眷白雲無路入梅花小院有人來大風猛士心先壯急雪饑鷹眼倦開差喜平生能搏擊將軍夜獵李陵臺

寒鑪

青豆房深佛火斜老盆團坐聽煎茶神仙妙點玲瓏雪富貴能開頃刻花小閣紅泥圍翠袖明窗白紙話山家殘灰偷撥中猶熱頭腦冬烘計總差

寒蔬

蓬蒿滿地夕陽沈老圃相看共入林動色每關天下計食貧長

保歲寒心餐來雨雪冰霜味嚼出宮商角羽音可惜英雄閉門
老荒畦抱甕日行吟

寒硯

擲地聲成金石歌餽飽湯注不生波冰心肯變因人熱鐵面何
妨任墨磨河嶽英靈天可補文章憂患劫偏多朝來試寫梅花
賦斂手薑芽凍欲呵

夢中作

綠雲樓閣似仙家雪色鸚哥學喚茶春夢玉簫吹不斷紅牆一
角白棊花

嘯古堂詩集卷七

子同寅伯威甫敬校

嘯古堂詩集卷八

寶山蔣敦復純甫著

長洲王 韜紫詮榮

姚石甫觀察瑩以詩文全集見贈奉酬一首

天風琅琅歌不止山雨颯颯破窗紙中有湘纍萬古心憂時白
髮今如此海內風煙未靜時雖較願盼生雄姿書生禽賊誓報
國風波宦海臣安知從古蛾眉有謠詠蒼蠅大笑蒼生哭萬
死功名 聖主恩百全富貴庸奴福小謫蠶叢蜀道難臺洋
回首陣雲寒清風雅雨征程倦又繞黃河出塞看颿飛電掃
天威厲觸鬪蠻爭復何恃鑿兕一擲貴人噴安用譚兵任 國
是君不見麻姑霜海鬢毛斑才許班超入玉關謂林少穆尚書蜃蛤樓

臺終變幻星辰劍履未闌珊萬事蒼茫煙水外是非莫問盧龍
賣歌舞當場翠袖空英雄退步青山在我欲尊前覓此歌美人
香草奈愁何白門一夜垂楊柳搖落空江木葉多

送黃樹齋侍郎

僑還

朝

抗疏關天下歸田十畝無君恩回日月臣節敢江湖已爲
蒼生出誰云吾道孤風塵間畸士落落尙菰蘆

題蕃釐觀壁

煙月揚州鶴夢稀雲仙飄渺五銖衣西風吹冷蕃釐觀不見楊
花日暮飛

高郵道中

來往蒲帆一幅輕江湖誰結歲寒盟依人客共魚蝦賤閱世心

同鷗鷺清菱竹每看隄役苦水天閒話夕陽明風流不見秦淮
海衰草微雲空復情

訪王寬甫
丈不值

眞州司馬謝默卿

元淮

招飲衆綠圖

綠陽城郭枕江湍修竹蕭蕭耐歲寒病客江湖詩骨瘦殘年風
雪酒杯寬軍門畫角親籌筆官閣梅花獨倚闌今日知君難坐
嘯磬鴻中夜起長歎

時水災後
飢民載道

無題八首和彭甘亭集中韻

玉京仙夢倚紅蕤如雪瑤臺長綠芝小影幽花愁獨語芳姿圓
月替相思鐙明繡佛空前度人瘦飛璫似昔時一曲霓裳剛散
序蓬萊清淺水流澌

秋千紅折小門關簾押空垂玳瑁斑大有因緣蘭絮外更無消

息鳳鸞間香銷豆蔻風前影春老臙脂雪後山錦札封題珠一
篋上元密字寫連環

綠楊樓閣第三層繡轡香階記共登酒淺雙鬟歌越紵春寒半
臂試吳綾花間蛺蝶深深夢枕畔芙蓉豔豔鐙卿最銷魂儂落
魄十分真箇恐難勝

臉痕微暈臂痕銷月抱煙飄一尺腰願覆天衣鴛錦窄似彈花
淚鳳弦么春風絮酒澆紅豆秋雨窗紗種綠蕉悔向瀛洲輸玉
兩壺中偷擲箭雙驍

薄著羅衣冷浣紗驚鴻縹緲忽天涯無題詩况歌長恨絕代人
猶住小家他日風流誰作壻今生顏色已如花自憐顧影矜持
甚才出簾櫳月又斜

回風一簫唱回波青鳥窗前玉女過滄海星辰光不定神仙眷
屬劫偏多有情翠蛾銜花骨無力紅蠶縛繭窩只恐麻姑漸霜
鬢銀灣淼淼奈愁何

門外香車雪滿途亂山榛莽沒平蕪未拋錦段憐紅女待卜金
錢問紫姑合璧可應成兩美量才何止賦三都看他凡卉爭春
色寒壓梅花一語無

石螺冷黛點停勻鏡裏徘徊負好春南國相思吟小草北方獨
立想佳人填完碧海三生願鑄得黃金一字真莫笑采薪寒女
態捧心誰識可憐癡

有題八首疊前韻

璫闥寂寂鎖葳蕤難檢神方餌玉芝綠綺瑤琴調卓女紅絲寶

枕感陳思鷺嘯燕語剛三月釧動花飛又一時方便東風打雙
槳春冰財判聽流澌

金樽勸客古陽關
簫唱飛花點淚斑
垂柳棲雅尋白下
平蕪射雉挽黃間
江湖酒夢圓
秋鬢樓閣仙居放曉山
忘卻天邊幾員月
有人盼斷大刀環

花梯蓮步下層層
簾卷高樓惱獨登
翠螭生生描畫絹
紅鴛兩兩繡詩綾
無眠情味頻移枕
怕見曉痕莫上鐙
一點靈犀千萬里
芳愁迢遞恐難勝

江上春潮一夕銷
垂楊舊日記纖腰
宮楣花梵題紅字
畫屨香廊按綠么
憐子秋期初得藕
美人心緒又抽蕉
千金莫便成孤注
珍重雙投玉女驍

十五芳容貯碧紗
筆牀硯匣各生涯
長眉翠黛修新月
小髻烏蠻學內家
銅綠香鑪供撥蠟
銀紅書格仿簪花
怪他尺五城南路
芳草青青日又斜

銀漢紅牆夜有波
經年離別一經過
出山人去青琴老
倚竹天寒翠袖多
王母侍兒星作佩
嫦娥小女月爲窩
畫羅屏外秋光冷
滿院西風問若何

飛花落絮溷泥塗
粉粧脂田一半蕪
薄鬟低鬟憐處姊
聞聲對影降靈姑
夢爲別淚曉湘水
魂入柔鄉化武都
欲問湖州舊牋記
再來還有綠陰無

牙簽甲乙細排勻
莫聽旗亭唱冶春
未許華年空色相
果然風貌勝天人
三生慧業修金榜
一卷靈飛寫玉真
懊惱曉妝臨水

閣桃花含淚柳含顰

重有題八首再疊前韻

春情脈脈護貞蕤黛影空山繪采芝明月灣頭不相見西風堆
子上愁思船回碧海游仙夢花落紅窗病酒時一夕靈槎泛何
處人間流出玉河漸

似防豹呖掩重關雪色屏風翫翠斑懷璧何人歸趙氏數錢有
女學河間楊花影散東西水桂樹秋涼大小山聞說連波能悔
過一篇織錦讀回環

廣寒仙闕界層層未許雲璈奏子登侍女熏香憐紫騎才人畫
餅笑紅綾笙調銀葉瑤臺月劍拂霜花繡閣鉞莫是瓊樓冷風
露五銖衣薄恐難勝

飛鴻爪影雪初銷來往蜂媒欲折腰石蘚碧侵蓮瓣冷海棠紅
暈蠟花么香巢未定棲鸞竹綺夢難尋覆鹿蕉一樹櫻桃牆外
落玉鞭愁策紫雲驍

只愁障眼有紅紗不隔山巔便水涯湖上春風吹蕩子天邊圓
月照倡家唬殘翠羽將離夢化作金鈴好護花閒訪鉛華舊香
土亂螢流照玉鉤斜

古井沈沈水不波穠芳轉眼已輕過誰家玉勒看年少比日金
經禮貝多湘瑄淒涼拈苦調雲蘿窈窕結愁窩靈修浩蕩休相
阻奈此荃蘭一握何

欲往從君未識途天涯日日采薜蘿青絲覆額呼么妹素手調
羹問小姑雲雨荒唐迷楚岫海山縹緲叩鴻都綠珠亦是閒身

價一斛明珠換得無

紅燭填詞墨未勻
纔繇一讀一傷春
卿憐羅隱今才子
我識楊家善女人
明月琵琶前出塞
天風環佩夜朝真
誰知西北高樓上
但解懽愉不解簪

秋夜讀書

華雲吐月秋羅羅
銀灣影落天無波
草堂夜靜冷碧蘿
美人揚袂發浩歌
今我不樂愁思多
海上白日鳴妖鼉
霜飈戰葉飛庭柯
山鬼哀怨嘯巖阿
安得萬里揮天戈
讀書閉戶將如何

滬城感事

斜陽古壘草蕭蕭
惟見風帆天際遙
萬里螺絲沈鬼國
一城脂粉盡妖橫
江組練青龍艦大
將旌旗白馬潮
辛苦當年袁內

史水仙遺蹟未全銷

火宅都開枕上蓮瓊膏日日費熬煎黃金有價真成土碧落無情欲化煙偏檢神方難續命愁看長夜竟如年東山若問閒絲竹總爲蒼生一惘然

焦頭爛額竟如何薪突于今計莫疏貨殖已開循吏傳安危誰上徙戎書金波地湧龍蛇宅華屋春深燕雀居獨倚高城一長歎欲攜霜鏑斬鯨魚

汀鷗沙雁自相呼倦眼模糊眺綠蕪海上樓臺驚蜃蛤眼中人物笑菰蘆梅花不作銷魂賦駿馬休描沒骨圖惆悵所思隔芳樹長煙漠漠滿江湖

寄靈石內史

蓬門况味耐經年
幾日荒厨冷爨煙
小病半春如我瘦
無家四海受卿憐
參來古佛詩同繡
修得今生骨已仙
聞說昨宵清不寐
碧天涼月到窗前

往時內史校余詩集
笑曰君詩英雄氣
兒女情盡之矣
世鮮知音奈何書此解嘲

畫角清霜塞雁橫
銀燈點曲細調笙
文章憂患餘生事
絲竹中年以後情
志士不忘在溝壑
狂名何意動公卿
憑君莫下牛衣淚
挂壁龍泉夜有聲

題內史丁東花閣詩鈔

累君蕉萃貧家婦
媿我荒唐游子吟
一樣才華感淪謫
空山獨立抱青琴

草壁微吟五字詩紅絲繡罷寫烏絲靈機自乞天孫錦更洗銀
河筆一枝

內史近有句云紅繡相思綺繡愁又云芳草碧如此落花紅奈何皆悽婉可誦

懷祝楚翹解元

一第尋常事男兒胸抱開上書今 魏闕立馬古燕臺君豈求
溫飽吾猶困草萊浩然天下志商略十年來

雜詩

古人不讀書輒辦天下事今人多讀書更昧一室理鹵莽立功
名蒼生禍周禮文辭競剽竊僥幸七科第于世求苟容所學乃
盡棄人才竟若彼國家安用此但彎兩石弓勿識一丁字

男兒志四方所志豈謀食貧賤多求人廉恥道已失苟無負郭
田傭保計亦得况非仁者粟乞人意弗屑如何威鳳姿乃有饑

鴻色獨行而煢煢自傷常默默

干祿學顓孫貨殖傳端木賢者雖不免茲意究近俗嗟彼駟儉
材謬廁士夫族巧便取捷徑作橫處鄉曲斯人苟出山詎是天
下福太息平生歡割席恐不速

余生遘憂患志大而術疏粗求經世學不甘爲小儒出門寡所
歡一篋盈讒書豈無國士知執手傷岐途幽蘭非當戶亦復遭
世鋤雄劍未出匣報恩心躊躇可憐六州鐵鑄此千金軀仰天
悲伏櫪四野浮雲徂

南宋宮詞

花下玲瓏唱白羊皂紗尺五想戎行憐他十五環環女冷著黃
絁入道妝

宮帔紅霞復紫霞小劉嬈子擅芳葩奉華堂印澄心紙從此蘭
亭出內家

清心堂下水泉幽月底彈琴冷玉甌惆悵集芳園廢後八哥懽
喜九哥愁

承平風物似東京中序霓裳白玉笙郎婦不知誰最寵宮槐葉
落戰秋聲

金花然燭喚蘭香內地傳呼請客忙鰕脯徐烹龍璣暖玉妃遙
奏賀新涼

蛾翠雙顰弱柳腰瓊華明慧絲華嬌檀槽玉軸新承寵回首宣
和已四朝

淒涼南內阻官家佳婦佳兒計總差枉說中宮巢鸞鷺芳名不

稱女兒花

繡香堂外倚香樓宮柳垂金扇影愁愁唱提鞋新樂府櫻桃微
雨碧于油

青宮直閣四夫人可惜他年花麗春金雁鈿蟬零落盡夜臺猶
幸未蒙塵

白雁紅羊劫屢過僉名降表恨如何龍沙一去悲羌笛梵唱聲
聲老木波

滿地紅心委玉顏杜鵑啼血淚斑斑遺民冷弔冬青樹合有香
魂返佩環

一聲哀唱滿江紅酒盡金臺送塞鴻彈斷西風白翎雀黃冠歸
去水雲空

滬城南園題壁

長風吹海上而我釣鼇來此地一彈指高懷殊未開危亭當澗
立仄徑忽峰回石壁鏤題字蒼然生古苔

懷張嘯山

文虎

所思不可見把酒忽茫然明月大江水梅花小雪天美人怨遙
夜哀雁落箏弦重以素心語空山誰獨憐

題姚子壽丈

椿

通藝閣詩錄

蠶叢開闢古斜陽鑿削心精接混茫肯向人間作凡語直從天
上落奇光關門萬馬秋聲壯華頂三松月色涼聞說少陵詩入
蜀乾坤此氣更清蒼

讀二李杜詩各題一首

李太白

手掣鯨魚碧海邊長庚杯酒落齊煙山中宰相陶宏景天下布
衣魯仲連才子前身卽明月英雄退步有神仙人間一笑登科
記祇乞君王十萬錢

杜少陵

萬里崎嶇天地身文章憂患性情真麻鞋野哭無家日翠袖空
山絕代人骨肉傷心憐弟妹乾坤多難立君臣書生獨有千間
厦破屋秋風未是貧

李義山

蓬山天遠恨悠悠朝局如棋一劫休錦瑟華年秋士感靈旗風
雨美人愁文章哀豔奪蘅杜身世恩讐聽馬牛莫把無題議輕

薄離騷苗裔此千秋

杜牧之

鸞飄鳳泊太多情刻意傷春夢不成名士無家都好色文人
有膽便譚兵鸞花戚里悲金縷煙月揚州感玉笙愁殺諸侯老
賓客鬢絲禪榻了平生

聞石甫師出山奉寄一首四十韻

今天子嗣位明年紀咸豐恩威徧中外大小勵臣工台輔老
成人玉燭調元功人材首薦舉爲國殊虛衷帝曰維汝
瑩往者泣巖封微愆適事會辛苦曾從戎日久績益著蹇蹇誠
匪躬臣瑩拜稽首鼇戴天恩崇小臣東海濱感激忘愚蒙謹
當語臣瑩展布宜從容老驥雖伏櫪險夷識途從精金既百鍊

勿挫棱棱鋒側聞鹽法敝權算牢盆空重綱負官課滯引潛私
蹤改弦調轉急更轍迹復同暫或權輕重久必慮始終譬如病
委頓大藥須獲茸何以授良劑起色春融融 天子重致治

委任倚日隆平生副所學義類請擴充水利興西北海氛靖南
東上紓 聖主憂下濟蒼生窮艱難惜經費異議排羣庸風

雲出間道奇策收英雄士惟志宏毅萬里精神通苟存持祿見
冰炭羅心胸目光不及寸視天常夢夢上官伺顏色先意時迎
逢同僚例瞻徇特立勢交訐本自走牛馬毋怪爭雞蟲從古非
常業往往驚瞶龔玉門班定遠絕塞通嶠嶠金城趙充國振旅
全貔熊乾坤得閒氣江漢知朝宗忠孝本至性可以格皇穹嗟
彼瑣瑣流使我心忡忡庶幾文武材勳畧銘鼎鐘賸子秉微尙

身在菰蘆中一語感知已氣節凌寒松敬爲君子頌吉甫詩清風

題熊露鞋昂碧遺集

熊君湖海士投老更豪靡文字妻孥崇風塵氣類孤與余曾白社渺爾已黃鑪生死交情見遺編重校募露鞋以窮死其友張嘯山爲勘定詩集付刊

如皋宗友石金樹歸其三世祖墓田以詩紀事屬題

宗君敦雅士示我墓田詩百年返侵地經營力已疲僉云有天道高誼畱餘基宗範見皋邑志義行傳亦賴賢子孫免使他人犁維水亦

有源維木亦有枝此自關至性豈曰言辭爲死者妥魂魄生毋骨肉離遠者尙可追在邇勿棄遺君今崇令德努力貽良規吾

詩不苟作庶救風俗漓

江立亭丈以詩集屬校題贈一首

絲竹中年太瘦生銷魂詞賦舊知名一編金石存歌泣萬古風
騷有性情駿馬圖中憐骨相芙蓉江上起秋聲著書歲月須珍
重黃葉空山夕照明

奉題江子薌師攜琴海上圖

舟一葉琴一張天風浪浪海山蒼蒼有所思兮乃在瑤宮貝闕
上下一碧玻璃光蓬萊雲氣遙相望霓裳羽衣來徜徉或乘赤
虬螭或跨白鳳凰授以璧簡掛瓊漿願奏青琳曲試解綠玉囊
泠泠古調未終闕墜葉如雨飛樽桑雷飀飀兮天帝怒白鼉吟
兮振靈鼓瘦蛟舞雪蜃噴霧眾仙搖手勿復奏琴心伊鬱不得

語竟刺船兮從此去我欲從師兮山之巔山靈杳杳空蒼煙我
欲從師兮江之涘江神不見蜺旌至江山寂寞何處尋師今亦
復無知音抱來碧海青天恨同此千秋萬古心平生劍學萬人
敵干將補履辭不得丈夫安用斫飛蠅夜夜寒芒太阿碧不如
攜琴從師東海濱絙以于闐七璫之玉弦安以金光瑤碧之翠
鈿余爲伯牙兮師成連去訪子春公不在江之涘山之巔曾在
瓊宮貝闕上下一碧玻璃天蓬萊雲氣遙相連霓裳羽衣來翩
躚泠泠一曲空外傳移我情乎仙乎仙

張嘯山題詩拙集頗喻鄙人甘苦之愔次韻寄答

江湖悠悠行路人乾坤落落一士貧懷中久滅禰生刺世上但
墊林宗巾身宮磨蝎屢坎坷文字相知尙較可空山元鶴又逢

君前輩青蓮應識我高譚捫蝨四座驚白髮不許頭上生看君
著書盈幾尺使酒我自歌花卿鳶肩火色風塵面鑄鐵心肝終
不變東南日出長相思西北樓高獨不見漸離擊筑荆卿歌相
樂相泣當奈何眼中萬古淚常有天下一石才無多英雄入道
須學問抑塞豈抱尋常恨洛陽年少爾何人放膽文章過秦論

南涯

張文虎

嶺山

欲寄歷落可笑人蔣生所苦不在貧廿年浪迹牛馬走醉來
燒卻頭上巾出門十事九坎壈意態狂奴無一可胸中青史
好譚兵天下布衣識我朱門長掛坐客驚拂袖笑倒曹邱
生登臺袞袞世亦有視子骨相非公卿別來七年重識面示
我新詩更屢變美人香草不勝情託意微茫幾人見拔劍斫

地歌復歌浮雲天遠奈爾何黑風吹海海水立么弦迸入商
聲多嗚呼丈夫窮達何足問閉戶讀書良不恨他年出處未
可知且著君家萬幾論

病馬

氣骨千金重山河百戰來可憐名將老空爲美人哀棧豆嗟何
物鹽車因此才長途能一顧落日更徘徊

病鶴

空山多雨雪清俸減梅花吹冷瑤笙夢春風玉女家所思隔鸞
鳳此癖錮烟霞仙翻何時理蓬壺路不賒

病燕

斜風兼細雨門戶傍誰飛紅杏春愁鬧青樓舊夢非故人辭白

社公子冷烏衣銜住傷心色天涯幾夕暉

病螳

金粉澹斜陽羅裙草不芳自憐雙影瘦誰許一生狂春女碧殘
夢野花紅斷腸蜂媒愁寂寞無力過東牆

客有詢曇陽子事者書此示之

曇陽遺宅枕江湄十萬青腰盡總持謝道蘊原丞相女衛夫人
是右軍師佩環縹緲金仙籍雲雨荒唐木客辭一自緱山笙鶴
杳靈香從此返瑤池觀靈觀香王子晉妹也王衡文肅公子一
字緱山少年才氣甚著聲譽先文肅卒

金味仙

日齋

以梨花滿地不開門句成鹿盧體五首示余

亦有是作

梨花滿地不開門寂寂葳蕤小院昏春水愁多工寫影畫樓天

遠易銷魂綠蕪細雨人千里紅豆東風酒一樽惆悵微渦初暈
頰明珠珍重贈颯痕

芳徑難尋舊日春梨花滿地不開門微雲鏡檻無人迹澹月琴
絲有夢痕畫舫虎邱鄰短簿仙家死牒守長恩天桃亦向風前
種崔護重來事莫論

鸞飄鳳泊感王孫無恙谿山豔蹟存桃葉渡江仍擁楫梨花滿
地不開門銀鐙讀曲珠鬟麗翠袖調箏玉手溫曾向莫愁湖上
住絲絲煙柳易黃昏

紅燭雙垂玉筍痕黃鸝欲別暗聲吞今年人瘦心先病昨夜春
寒夢未溫芳草連天休望遠梨花滿地不開門遠山入畫空眉
嫵愁殺相如頰鼻禪

天涯人在芭蕉村蕉萃江潭欲采蓀鸚鵡隋風傳綠語杜鵑殘
月泣紅魂瑤波瑟瑟通簾影石黛疏疏點鏡痕記否畫橋南去
路梨花滿地不開門

劍人以梨花滿地不開門句作鹿盧體余謂此體當有仄
韻三首因補成之

細雨飄鐙愁未已子規啼徹東風裏梨花滿地不開門簫語
如煙空隔水一夢遊仙跨碧鸞三年芳訊烹紅鯉可憐昨夜
小樓人薄擁蘭衾眠病起

秋千半架飛紅雨十二畫闌垂翠縷鏡裏朱顏能幾時天涯
芳草知何處梨花滿地不開門燕子入簾誰共語陌上春愁
爾許深綠陰碾斷香車路

繡幕沈沈香篆靜碧雲吹破紅簫冷十三鴉髻記呼茶絕代
蛾眉羞嫁杏蕙怨休令曉鵲知蘭愁自把靈犀警梨花滿地
不開門窗外一雙胡蝶影

書明錢將軍東征實紀後

將軍名世禎字三持德化令春沂子也中萬厯己丑武
進士初任浙江漕運使者知其才薦於朝會倭人破朝
鮮虜其二王子來告急遣祖承訓援之師敗乃大發兵
宋應昌爲經略李如松爲提督應昌疏加世禎游擊隸
前鋒時世禎母喪弗敢辭倍道渡鴨綠江潛至平壤將
以元旦擊倭如松弗許越數日率七百騎薄城遂克之
先是如松與諸將約先登賞萬金世襲指揮旣克盡沒

其功又斬一白袍絳領貴人主者詰姓名無以對并沒
之諸將忌其能計陷之者屢矣僅而免踰年始授浙江
游擊蓋萬厯壬辰冬出師癸巳秋凱旋始歸葬母後稍
遷天津參將卒以負氣降官士論惜之今子孫猶聚居
號東西錢宅藏其遺象及鎧甲鐵椎野老能談征關白
收野馬事甚悉其沈毅猛鷲可想見而數奇不偶雖尙
勇取咎有愛養人才之責者盍取鑒諸所著東征實紀
厯敘戰績尤深知己之感云

嗚呼將軍功名百戰始惜哉官以列校止英雄抑塞文武材平
生痛哭東征記海外長鯨肆并吞扶植弱小天王仁出師命將
重討伐弗使夷狄輕無人將軍有喪不得避誓報國恩感知已

裹尸馬革師死孝萬里蕭條走單騎隴西舊著三邊名

謂李豚成梁

犬枉自墮家聲

謂如松

當時經畧頗愛士

謂宋應昌

坐鎮雅俗遼陽城

倭奪朝鮮據平壤兵氣驕盈屢觀望將軍倍道過平州思立奇
功迅掃盪軍中元旦酒數行手擲敵頭還玉帳誰知夜半奉兵
符不用吾謀已沮喪元戎執戰無功敵人大笑來衝鋒若非
堅壁當一隊蚤令突騎圍三壘椎牛行犒更弗及健兒低首無
顏色吾曹殺賊止救死大將恩威本莫測詰朝大將軍門開鳴
笳建纛臨高臺先登城者萬金之賞爵萬戶號令一出歡如雷
將軍聞此氣作怒繞賊直出箕子墓好男子來吾語汝汝從吾
後吾反顧汝斬吾頭汝勿懼飛血肉當矢石雨此城一躍破一
鼓呼聲動地天晝昏壞雪壓堞如山崩蒼獺緣厓勢忽墜黃鵠

側翅身再翻前勇稍卻後益勁兩軍生死併一命須臾城破力
巷戰短兵無聲刺血冷頭顱滾滾棄道旁毋許斬首此軍令軍
令朝暮狙公狙乃公馬上意氣鏖殺人恨未讀稗史語詳紀中得勝
那知等博盧嗚呼古來猜忌成巨釁庸奴富貴何足論可憐獋
臂似蛾眉萬死一生謠詠因溫語無端機械深隻身況與豺狼
近空負羊公薦士恩難忘李廣封侯恨天山三箭凱歌高戰士
還鄉盡錦袍獨有將軍歸葬母蕭蕭風木一長號我生將軍之
故里親從父老訪遺事摩挲鐵仗與兵器丹青須麋懷生氣身
名薶沒俱蓬蒿忠義激昂滿天地將軍者錢名世頑萬厯己丑
武進士粵自壬辰迄癸巳征倭首功被擯棄人才難得復如此

大書特書補青史

看劍引杯圖爲味仙題

提三尺劍可殺賊舉一杯酒可問天男兒有如此之奇奈何磊
落抑塞四顧心茫然劍不必學一人敵酒不必論萬錢直劍花
搖搖酒花熱裸身大叫千年魄慶卿燕市稱酒徒惜哉入秦劍
術陳公孫弟子舞劍器彼弱女子非丈夫蒼虹之精玉龍子平
生與汝爲知己天下健者豈薑公長揖請看吾劍利飲酣品劍
向伎堂紅袖豔拂雙鴛鴦空山老衲坐說劍寸鐵殺人飛冷霜
風塵失路英雄痛牀頭夜夜星芒動對酒當歌泣數行庸奴笑
汝成何用劍乎劍乎無自傷雷雨變化非尋常西人一指畢頭
白萬里歸來獻壽觴

初夏閒居

小院煎茶點碧甌
湘櫳鎮日下簾鉤
孤紅作雨飛明鏡
萬綠如山擁畫樓
禪榻鬢絲微病酒
夕陽花骨不禁愁
世情閒殺詩情澹
吟徧蘇州與柳州

漫興

重臣宣力竟無功
遺恨狂飈撼粵東
一代偉人垂信史
兩朝聖主鑒孤忠
山河多事星先隕
塗炭斯民劫未終
方畧卽看荒服志
揚帆直掛海西弓

象緯沈沈坼上台
冰山金穴事堪哀
中朝牛李徒分黨
盛世共驩亦異才
一怒風雷天下服
四方水旱諫書來
似聞巖壑徵梁棟
應有輪囷起草萊

兵氣潢池尙未收
捷書何事更淹留
龍蛇機早頑民伏
豺虎身

先墨吏投銅柱功名諸將老 王衣宵旰 聖人憂廉頗健飯

今能否急爲

王師一借籌

謂石甫師

天家玉粒水衡錢一綫危隄百斛船不信治河無上策翻勞浮
海托長年東南轉漕紓民困西北屯荒勸力田禹蹟茫茫何處
問幽風王業誦詩篇

海忠介公手植雙松歌

松在金山縣張堰公幼時從其戚某氏家讀書手植於
庭今爲錢氏宅鱸鄉學博屬題圖幀爰作長句應之時
咸豐紀元冬十一月茸城郡齋記

混沌不死元氣出拔地風雷去天尺眼中突兀有此材萬古森
然挺奇節一松天矯如游龍一松對峙摩青穹我來獨立大樹

下酹酒再拜呼剛峯剛峯生值明中葉國本苞桑猶未撥青詞
宰相列三槐當道豺狼布荆棘小臣折檻九死甘海瑞可殺語
再三圓扉痛飲繼痛哭安望他日仍朝參傳聞此松公手種僵
立偃蹇屹不動忠孝名留天地根冰霜勢鬱巖廊棟天風浪浪
海水生半夜怒作蛟螭鳴空山歲晏坐寂莫才大不用難爲情
難爲情將進酒放筆淋漓爲公壽孔明廟柏少陵詩撐拄乾坤
力不朽丹心勁骨鐵石堅物以人重人必傳鈴山堂下無人問
古木寒蟬噪暮煙

海上王韻卿明經

壽如

有詩見贈次韻奉酬

同是人間太瘦生空山誰結歲寒盟無情天地何生我多病風
塵獨感卿博塞未妨從俠少著書聊以答昇平絕憐嵇呂論交

日日日江東醉步兵

除夕讀姚梅伯箋大梅山房集長句以贈

萬聲爆竹震里耳我將醉矣歌不止十年相思甫識面竟夕高
歌爲吾子天下健者當數誰限中人物吾知之巨靈太華挾之
走此殆天授非人爲然而讀書貴多氣貴厚萬籟一息掃羣垢
病疴牆旦腫橐駝李志曹蜍有時有君詩不顧俗眼驚吐納元
象鑱心精鍊雲生水水生液明月一片太古冰空山披髮叫虞
舜石破五色天無情含光佳俠善窈窕露蘭魂夜悄悄玉妃
珮環飄靈風一絲海綠搖空濛風雲變幻出其筆兒女英雄仙
鬼佛不有千秋萬古心那須但事填胸臆白日皎皎魑魅嬉蛟
涎蜃沫腥飗吹湖湘鼎沸動鼙鼓五諸侯卓天王旗丈夫不死

五
誓報 國無用文章安氣力
失意欽寄厯落人側身江海風塵
客我生于世寡所諧寒饑不足關胸懷
亦有一卷冰雪文畏遇俗子相擠排
元駒浩浩市聲起斗大一城兩國士
天下健者獨數君長揖請看吾劍利
我將行矣行且歌關河明日春風多青
天鸞鳳各飄泊獨立蒼茫當奈何

嘯古堂詩集卷八終

子同寅伯威甫敬校

嘯古堂詩遺集

寶山蔣敦復純甫著

長洲王 韜天時集

滬城春感

王孫草綠怨芳洲如此家山不可留
殘壘鶯花僧客病連江風雨黯春愁
能支綠髮新詩本難忘紅簫舊酒樓
總爲出門成一笑青天如笠暮雲浮

華鬢

征衫惻惻悄風吹倚瘦江干
篴一枝小雨綠成芳草岸半春閒
過杏花時已經酒冷香殘恨况有鸞
飄鳳泊思往日低徊問華鬢年來腸
斷阿灰詩

韜案此二首見於仁和宋咸熙小菴詩冷續談并云寶山又有蔣劍人者名爾鐸其

詩清脆如哀梨
并翦風致自佳

和徐紫珊

渭仁

上舍移居詩四首

七椀茶香品玉川詩中屢詰盡天然盟鷗譜寫煙波趣種樹書
成草木緣栗里移家來柳下梅花飛夢到牕前青藤舊事君應
記指月分明問水丘

青藤山人析其名爲田水月

買山先與白雲謀四面青山一小樓未必杜門慙豹隱依然
徑望羊求閒恐萬葉供詩尋好句雙魚仗酒鉤此地不嫌居
市在家僧亦幾生修

白鳥喧時隱几居魚鱗淦淦水雲舒花間爭獻蜂衙酒道上
乘蟻穴車爲善且看兒輩樂讀書應與世情疏漫郎聲叟江湖
長自署頭銜不待呼

何須生計問田園雞犬桃源別一村簾隙有光飛野馬月明無
浪拜江豚琴書清燕得春夏金石吉羊宜子孫八十一臘脂未
染爲君呵凍到黃昏

自注壬子祀竈前三日約軒持詩屬和雪後嚴寒凍筆不開被酒率作

乙卯秋感入首

韜案劍人詩止於壬子除夕自癸丑至其卒年所著有蘇臺集越游吟二卷今並佚

矣

霜華點鬢漸蕭疏蕙製天寒感索居風雨懷人燈影外江湖小
病雁聲初眼看壞劫悲陳迹坐對清齋想著書曠野浮雲飛不
盡悠悠元化定何如

繞郭悲風起白楊江干雉堞隱蒼茫潮回大澤銷塵夢草沒骷
髏失戰場廢址芙蓉樓病蝶荒城蘿薜唱嘯蟹無人更弔山松
蓋樓閣雲連蜃氣涼

秣陵秋曲最難聽
煙月秦淮盡不成
風捲千門花有淚
江流入代水無情
魂歸楚客青楓寺
醉擁吳姬白苧城
莫問烏衣舊王謝
燕泥零落玳梁傾

湖湘動地沸秋笳
幾輩椎埋學放衙
猛女如雲騎北鶴
水仙何日葬南堂
五行作志占兵象
六郡從戎盡將家
燭火燎原人不識
白蓮開落又天涯

軍儲四海譏徵繁
萬里何人獻讜言
百戰風雲誰上將
五年蟄鼓尚中原
龍艘轉餉供南服
虎旅防秋重北門
宰相出師須故事
封疆功罪待重論

匪來妖鳥止神州
往日和戎誤本謀
絕域罷通滄海市
中朝先拜富民侯
郊遊麟鳳生靈聚
陸走龍蛇殺運收
誰許華風移氣

習百年世事正堪憂

上客休勞按劍嘆夜珠欲獻竟何因
金帙計左塗膏血芻狗言
陳禍寔新天地有情還我輩山河無恙負斯民
談兵未抵參軍語挾策歸來百感頻

瓊宇高寒間碧翁新詞愁唱大江東
盟鷗野水心先冷捫蝨空
山氣不雄破帽西風名士鯽寶刀明月美人虹
獨憐瘦骨嶙峋甚滿眼黃花夕照中

秀水周存伯大令閑爲余作空山捫蝨圖自題七古一章
射虎不著短後衣屠狗不逢高漸離
談兵紙上復何有捫蝨空
山空爾爲不知爾是何蟲豸犢鼻褌中一天地
壁間呂姥與蕭娘
厠上曹蜍復李志彼哉都是可憐蟲
眼底何物眞英雄蝨我

其間太寂寞奇氣往往噓長虹卽今飄泊干戈際吾謀不用知
何意忍見千村走兎狐獨憐萬命輕螻蟻空山歲晏雨雪多山
鬼窈窕啼巖阿鶉居短褐懷龍校美人不來當奈何君不見賈
長沙陳同甫王霸大畧胸中吐桓溫人物豈可兒王猛功名那
足數用之可以安天下鎮四夷不用談兵復何有捫蝨空山空
爾爲

周刺客七首圖歌爲陳叔潛作

并序

叔潛得古七首一具長七寸博一寸刻有星文又古篆
書一蠹字又二字似記仇人名姓文漶不可辨乃集漢
武梁祠畫像中曹沫聶政荊軻專諸諸人皆周時人合
裝成卷許珊林太守槌題之曰周刺客七首圖屬余賦

詩

髑髏滿紙血模糊陳侯示我七首圖圖窮倏忽七首出青天蕩
蕩飛霹靂金精閃爍羅星文蠱尾有毒立殺人報仇借客記名
姓苟知我者肯惜命風雲憤抱徒區區古來刺客無時無養尊
玩寇誤兵力第一先誅誤國賊盜太倉粟白晝行去汝鼠輩天
下平報仇無人刺客死我有長劍倚天外不逢知己劍不鳴仰
視太白悲平生君今殺賊過十萬叱馭頻經九折坂天下未定
賊未殲懷抱利器養其銛不收全局豈國士貽君父賊愧欲死
曼胡之纓短後衣十步寸鐵皆殺機奇材劍客爲我用夜半敵
頭帳中弄短兵無聲飛白虹吐納光氣全英鋒古之神武不殺
者以此無敵於天下手提太阿還吾君刺客七首安足云相逢

歌泣來吳市劍花冷射龍文紫闔閭城下春風狂談兵天地爲
低昂左手挾圖右匕首去酌要離一杯酒

題伍大夫祠壁

殺身無益豈成仁忠孝都虧是忍人遇主計先殘骨肉復讐義
不顧君臣死借文種難忘越生愧包胥竟哭秦白馬銀濤公莫
怒可憐宗國幾荆榛

無題

長歌當哭起蒼茫藜藿難同肉食腸一將無功枯萬骨普天多
難剗千瘡人才可惜遺麟鳳民命何堪試虎狼讀罷陰符增太
息忽看匣劍吐奇光

訛言

訛言四起倍心驚棋局紛紛勢屢更三敗孟明猶雪恥再來回
紇莫尋盟獨於兵食難調護如此江山奈戰爭 聖主憂勤
民疾首諸君何以致昇平

書瀕城紀事圖冊後八首

海城伏莽戎非戎兮莽非莽彼亦有父母妻子曷不爲良民驅
其狐狸豺狼一朝踞海上傳聞小刀會今年定舉事蒼黃急變
上大吏顧而曰嘻知之矣

北門開紅頭來新閘抽紅頭愁紅頭愁復愁蒼頭怒莫怒特起
異軍斷要路大殺一陣白日暮抱頭鼠竄入城去

初五賊據城廿七官軍至火速調兵符辛苦二百里堂堂復堂
堂百姓扶老攜幼焚香再拜迎道旁官軍新破嘉定寶山青浦

南漚一路大獲神揚揚

胡取乎雞于汝堞胡取乎豚于汝苙酒漿羅前笑吃吃中夜烏
烏寡女泣但願官軍肯殺賊百姓身家遑敢惜荒江古寺斷人
迹佛出世界救不得見幾而作不俟終日吉

大男小女奔出城城中豺虎方縱橫鄉村老農垂首泣昨日避
賊今避兵君家老屋淞南住避兵且向莘莊去雞犬桑麻自一
村令人卻憶桃花源

或叫于大營門曰嘻嘻咄咄被髮纓冠救弗及棄甲曳兵走而
出人謀不臧鬼謀得此覺西鄰不可開委曲更費調人才請行
魏絳和我策莫話秦人劫後灰

有屋不得居有田不得治曠野大風雨皇皇欲何之平生義命

豈弗安奈此十口常飢寒鄉氓老死不願見兵革子孫他日毋忘茲艱難

斗大一城本王土焦頭爛額亦奚補幕府一朝上露布廝養椎埋盡仕路月正元日飛騎東大東小東一炬紅王師數萬城下攻五十四旬成大功

王石谷左筆山水爲寄舫題

天生左手只持螯如何用以揮柔豪或云腕下須有鬼此鬼者誰定左氏烏目山人還舊山平生妙筆追荆關忽然丁甲掣右肘似此結習宜刪除先生大笑左其手左之右之無不有煙雲出沒更變幻造化束縛竟不受雨色饌餬霜影高新篁韻媚石態驕經營意匠倍灑落中有拙趣往往饒陳君好古嗜絕藝得

未曾有說且喜居然使左如使右那許旁人呪病臂南田戲謂石谷病臂
十年吾畫何患不追及我有一手自覺多學劍不成當奈何朝來讀畫悟
佛法八萬四千母陀羅

秋夜

已涼天氣未寒時翠袖輕扶強護持玉骨不知煙共瘦銀河愁
見月如絲蘆葦風起人千里水閣秋深簃一枝解道吳兒心木
石不應重唱懊儂詞

登吳山作

江山如此浪花騰懷古蒼茫試一登絕頂秋高誰立馬荒臺風
急且呼鷹疎林紅葉暝煙積落日黃雲海氣蒸忽聽嚴城鳴畫
角悠悠心事倚孤藤

晚出湧金門散步湖上

層嵐淡不極曠望夕煙平老木有寒色孤鐘無遠聲暮天去鳥
疾落日前山明擾擾市喧集此心湖水清

拜岳忠武王墓

漢家諸葛三分業唐室汾陽再造功天意獨教蒙大難臣心同
此矢孤忠九原鬱鬱黃龍酒半壁蕭蕭白雁風千載墓門人灑
淚男兒怕死不英雄

書南宋張浚傳後

佳士南來作相公暮年北伐轉居功仍貽國恥甘三敗肯惜人
才救一忠幹盡有兒傳道學出師無將殺英雄憐他鼾睡聲雷
動千萬旌旗轉眼空

于忠肅公墓

奪門復辟事匆匆此舉何名竟殺公國已有君先卻敵臣原無
罪盡知忠迎還早盡尊親禮論定終歸社稷功兩字獄同三字
獄蕭蕭宰木怒號風

十二月十八夜自富春至錢塘江行望殘雪

奇景天開夜孤行客放舟亂山殘雪擁寒月大江流歲事忽已
晚勞生尙未休前灘飛白鳥隱隱起漁謳

米兵來

官軍擾民蔣子作詩刺之

黑雲壓城城欲傾老幼啼抱奔出城高牙大纛北門入將軍避
賊來安營猿獠叫擲門打破風漢一羣市攫貨不知是賊是官

兵但見虎狼屋上坐縣令來謁爾何遲索米千斛勿後時我兵
得飽肯努力殺汝百姓如殺雞朝來奪船渡江去若屬妻子皆
吾虜山民怖死合力禽縛以投水競快覩將軍下令誅爾民駢
首纍纍懸軍門縣城斗大膏血竭火汝質庫無遺禪始聞鼓聲
震省會且喜去賊尙百里富陽距杭郡三舍繼聞鼠輩抱頭竄逸賊緩
追請擊尾吁嗟乎米兵來如蝗蔽天禾稼災米兵去如疾在體
霍然愈米兵米兵爾勿驕爾不見張兵一到賊兵逃兵家第一
整法紀古來良將不使百姓傷秋毫

殺長毛

百姓拒賊蔣子作詩美之

殺長毛兩拳如鑊不用刀肯爲國家出死力嗟爾百姓皆人

人滿城人海變血海滾滾頭顱似切菜黑風卷地駭獸奔若輩
反噬深慮再似聞昨日清波門官軍語賊相寒溫養奸門內引
狼入此事傷痛難具論又聞倉猝戰守竟無主如此金湯失險
固卽今賊退城復完撫帥身死不知處老將桓桓意慷慨此城
誓與爲存亡謂瑞將軍擊賊有笏太尉裔辛苦戮力支巖疆謂段銳
小民怒激氣百倍一戰長毛出城矣餘杭富陽競逐賊再戰三
戰盡披靡殺長毛長毛海內流滔滔百姓多被長毛殺白骨爭
與青山高等一死耳互相殺彼豈銅頭復鐵額十羊併力敵一
狼羊雖漸少狼亦傷羊命不惜尸橫野吾以思夫牧羊者

漫興

爲愛垂竿入富春他鄉兵阻竟何因要爲天下奇男子不作墦

間乞食人塵世更逢多難日江湖愁老著書身軍門長揖非無策回首茆堂舊海濱

新樂府四首

救命布

官軍討賊襲賊記號腰繫紅紬有問者曰此救命布也長槍大戟棄滿路萬事何如救命布腥紅一匹腰幾圍健兒結束將身護賊軍趨而左官軍趨而右與賊一心同擾民左之右之無不有賊軍僞作官軍逃官軍作賊意更豪大索金帛冒賊號百姓道是真長毛官軍詭辭謝百姓中有奇計可內應或當倉猝計窮時暫作賊軍且內應噫吁嘻與賊併命反乞命但救汝命絕民命民命不值一鵝毛汝曹他日終亡命救命亦從自

苦百姓殺賊本汝助殺汝當賊亦不誤僥倖偷生何足數策勳
縱使高頭銜裙帶下物無此污

燒鍋手

賊語人曰有乞余作燒鍋手者余知其官也憐而活之
賊退其人出署府事此詩不書地不書姓名不書事本
末風人忠厚之道春秋內諱之意也言之無罪閭者足

戒

竈下養中郎將燒鍋手作太守昨日賊中北面來今日南面黃
堂開可惜滿身都是灰苟得富貴無不可斷頭絕脰痛則那平
時威勢喜作官叩頭階下我非官賊知是官且活官官運大好
升高官官亦作賊祇貪利官今安得知廉恥大官小官千百官

有官堂堂罵賊死

典史死

仁和林典史朝服坐於聽事見賊大罵被戕而死時咸
豐十年二月二十七日也同日巡撫某自經節署後圃
大樹下先是北關火屬吏及百姓苦請出兵拒不許亟
令閉城城破咸歸咎焉

大官一中丞小官一典史輕莫輕於死中丞重莫重於典史死
杭州城中蟻賊來中丞身死民不哀閉門十日城竟破不發一
矢何爲哉典史躑躅起復坐殺賊無力走不可儼然朝服以臨
之若輩殺官官卽我嗚呼等是一死孰重輕守官名義當責成
中丞官大罪亦大忍聽萬鬼號冤聲咄汝典史一死以外無他

策死固分耳非奇節彼不能死狗彘乃不食

棋盤山

杭郡錢塘門外有棋盤山往時余議此處可駐官軍爲犄角方保城守無何賊至輒札營焉近聞有數千人詭稱江南大營潰卒奔駐此山官不能詰甚可慮也

棋盤山西湖濱山勢直逼錢塘門何來占據成一軍自稱潰兵或難民呼之入城彼不肯予糧受甲胄勿膺異哉此輩是何等山中下士愁抱薪城中大官各高枕不然盡殺一聲令官蓄健兒都作防身謀各不相識東西指畫皆鴻溝東伍無法安知中不離鬼蜮伏戎於門禍機猝發誠難收碩鼠復碩鼠吁嗟適樂土隔岸越山多請備西興渡

書感

橫流滄海一浮萍四野陰雲晝欲暝喪亂湖山多慘淡故交生
死各飄零護耐青閨門五日俱死杭鷺鷥笑我頭先白楊柳于
人眼尙青安得憎騰千日酒只宜長醉不宜醒

遊天中菴作

喜有看山約林深訪梵家亂雲斜走馬短瀑小飛花鐘磬荒菴
寂煙霞古洞遮此間堪避世不必問三車

自天中菴至潭上晚入太平里

巨靈何日劈神斤絕頂誰銘造化勳石屋龍噴深磳雪芒鞋僧
踏亂峯雲廣長溪舌流無盡回合巖腰路不分看罷青山看綠
野柴門暮色隱斜曛

三忠牙印歌 并序

一文文山印白文一希古朱文紐正方而小篆一方字
朱文一闕下完人白文邊款石齋夫子吳門顧苓作皆
牙印也咸豐七年夏婺源齊學裘來海上以鈐本見示
屬題三忠印緣圖其實印藏元和王炳家顏其室曰三
印草廬余維三忠大節自在天壤印眞贋未可知第物
以人重爲賦七古一首紀之

有宋末造社稷臣文山半壁撐乾坤明之革除靖難際惟方正
學能致身思陵朝局盛水火石齋讜論闕下陳之三子者不同
道其義一也曰成仁成仁取義孔孟句賤儒讀書務章句不愧
科名有幾人能全忠孝方千古千古煌煌著大名丹心一點照

汗青人間流落數牙印摩挲想像其生平想當國步艱難會三
忠戮力勤王事浩然之氣還太虛事成不成任天意皋亭山前
白雁哀飛燕又隊皇孫來變生夷狄禍骨肉北降南謁俱庸材
明亡事異宋南渡鬼哭孝陵一坏土擣骨空留藥氣香破碎河
山百不補文方大節天地完地以人重鐫文山上識方字下希
古宋文玉筋永不刊大書闕下完人者作印吳門顧苓也先生
理學著洞璣弟子姓名重復社三忠四印天下奇中有碧血藏
淋漓不離方寸取心印後世要有真男兒吁嗟乎後世要有真
男兒

嘯古堂詩遺集終

子同寅伯威甫敬校